

ԳԱԳԻԿ ՍԱՐԳՍՅԱՆ

Ակադեմիական հայագիտությունն ու արևելագիտությունը ծանր կորուստ կրեցին. օգոստոսի 25-ին վախճանվեց Մոսկվա բուժման մեկնած անվանի գիտնական, ԳԱԱ փոխպրեզիդենտ, հումանիտար գիտությունների բաժանմունքի ակադեմիկոս-քարտուղար, ակադեմիկոս Գագիկ Սարգսյանը։


Մասնագիտական շրջաններում համընդհանուր ճանաչում և հեղինակություն վայելող գիտնականը ծնվել է 1926-ին, ապրիլի 6-ին՝ Երևանում, զրականագետ, պրոֆ. Խորեն Սարգսյանի ընտանիքում։ 1948—1950 թթ. ուսանել է Լենինգրադի պետական համալսարանի պատմության ֆակուլտետում, մասնագիտանալով հին պատմության գծով։ Այստեղ նրա ուսուցիչներն են եղել ակադեմիկոս Վ. Վ. Ստրուվեն, պրոֆեսորներ Ս. Ի. Կովալյովը, Բ. Կոլորովան։ Ի մասնավորի կողմնորոշված Գ. Սարգսյանը դուզահեռարար հաճախել է նույն համալսարանի արևելյան ֆակուլտետում սեպագրադիստական-ասորագիտական առարկաների և արադերեն (ասորա-րարելոներեն) և ուրարտերեն լեզուների դասընթացների, որոնք վարում էր խոշոր արևելագետ Ի. Մ. Դյակոնովը։

1951—1954 թթ. Գ. Սարգսյանն անցել է ասպիրանտուրա ԽՍՀՄ ԳԱ պատմության ինստիտուտի լենինգրադյան բաժանմունքում պրոֆ. Ի. Մ. Սերգենևիչի ղեկավարությամբ։ 1954 թ. հաջողությամբ պաշտպանել է «Հին Հայաստանի բազմաբնույթ թեմատիկական դիսերտացիան և վերադարձել Երևան, աշխատանքի անցել պատմության ինստիտուտում։ Նրա հետագա առաջընթացի նշանաձողերն են՝ ԳԱ հասարակական գիտությունների բաժանմունքի գիտական քարտուղար (1956—1962), պատմության ինստիտուտի փոխտնօրեն, նորաստեղծ արևելագիտության ինստիտուտի տնօրեն, ակադեմիայի փոխպրեզիդենտ (1988—1990, 1995-ից մինչև օրս), հումանիտար գիտությունների բաժանմունքի ակադեմիկոս-քարտուղար։

Գ. Խ. Սարգսյանը պատմական գիտությունների դոկտոր էր, պրոֆեսոր, 1974-ին ընտրվել է ԳԱ թղթակից-անդամ, 1986 թ.՝ ակադեմիկոս։ Նա արևելագիտության ինստիտուտի գիտնականության զարգացման գիտական խորհրդի նախագահն էր, պատմության, հնագիտության և ազգագրության ինստիտուտների, Մաշտոցի անվան Մատենադարանի և այլ հաստատությունների գիտական խորհուրդների անդամ։ Գ. Խ. Սարգսյանը «Պատմա-բանասիրական հանդեսի», ինչպես նաև «Вестник древней истории» (Մոսկվա) հանդեսի խմբագրական հանձնաժողովների անդամ էր, «Հայաստան-Հունաստան» ընկերության նախագահ, Սիրիայի գիտության պատմության ընկերության պատվավոր անդամ։

Գ. Սարգսյանի գիտական գործունեությունը սկզբից մինչև օրս ընթանում էր երկու ուղղությամբ՝ հայագիտության և սեպագրագիտության-ասորագիտության։ Նրա ստեղծագործական խառնվածքին միշտ հատուկ է եղել պատմության կոնկրետ խնդիրները պատմական լայն համատեքստում դիտելու հատկությունը։

Իր «Տիրապետական» ռուսերեն մենագրության մեջ, մի շարք հոդվածներում և «Հին Հայաս-



տանի սոցիալ-տնտեսական զարգացման ուղիների մասին» մենագրության մեջ նա Հայաստանին հատկացրել է ժամանակի՝ աշխարհին հատուկ ստրկատիրական հասարակությունների համակարգում իր ուրույն տեղը, որը բնութագրվում է անտիկ՝ հունա-հռոմեական հասարակություններին հատուկ դասական ստրկությունից իր ունեցած մեծ տարբերություններով:

Նա ներգրավել է միանգամայն անսպասելի աղբյուր հեռավոր Բաբելոնիայի հելլենիստական դարաշրջանի աստղաբաշխական-սեպագրական մի օրագրի պատմական ժամանակագրություն պարունակող տվյալները:

Գ. Սարգսյանի գիտահետազոտական հետաքրքրությունների շարքում առանձնակի տեղ է զբաղում պատմահայր Մովսես Խորենացու «Հայոց պատմությունը»: Սույն ինդիքը քննարկվել է նրա երեք մենագրություններում և տասնյակ հոդվածներում:

Գ. Սարգսյանի խորհնացիագիտական աշխատությունների հրապարակ գալիս պատմագիտական աւելիսի բայլ էր, որ իրենով նշանավորեց Մովսես Խորենացու և նրա «Հայոց պատմության» հետ կապված պրոբլեմների ուսումնասիրման մի նոր ու բարձր աստիճան:

Ակադեմիկոս Գ. Սարգսյանն ունեւր գիտնականի իր կայուն սկզբունքները, որոնք պահպանում էր սրբորեն:

Որպես հայագետ և ասորագետ, Գ. Սարգսյանը քաջ հայտնի է Արևմուտքում: Զեկուցումներով նա մասնակցել է բազմաթիվ գիտական ժողովների, կազմակերպել բազմաթիվ գիտաժողովներ, Հայաստանում: Մահից մեկ շաբաթ առաջ նա Երևանի հիվանդանոցում խորհրդակցություն էր գումարել սեպտեմբերին կայանալիք «Հայաստանը և Քրիստոնյա Արևելքը» սիմպոզիումին պատրաստվելու կապակցությամբ:

Գ. Սարգսյանը հայ ժողովրդի պատմության ութհատորյակի ակադեմիական հրատարակության առաջին հատորի խմբագրի տեղակալն էր և հելլենիստական ժամանակաշրջանի բաժնի, ինչպես և հայ ժողովրդի պատմության 5—6-րդ դասարանների դպրոցական դասագրքերի հեղինակներից մեկը:

Պատմաբան Գ. Սարգսյանի բանասիրական-լեզվական հիմնավոր պատրաստությունը միաձուլվում էր երևույթները կուտ տրամաբանական հիմքի վրա վերլուծելու ի վերուստ տրված անուրանալի տաղանդի հետ: Այդ ամենին եթե ավելացնենք Հին Հայաստանի Տ Հին Արևելքի պատմության ասպարեզում խոր ու լայն պատրաստությունը, ապա հասկանալի կդառնա, թե ինչու գիտական հասարակությունը նրանից մշտապես նոր ծանրակշիռ ներդրումներ էր ակնկալում:

Անուրանալի է ակադեմիկոս Գ. Սարգսյանի գիտական վաստակը և անմոռանալի՝ նրա նկարագիրը:

ՀՀ ԳԱԱ ՆԱԽԱԳԱՀՈՒԹՅՈՒՆ

ՀՀ ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐՈՒԹՅՈՒՆ

ՀՀ ԳԱԱ ՀՈՒՄԱՆԻՏԱՐ ԳԻՏՈՒԹՅՈՒՆՆԵՐԻ ԲԱԺԱՆՄՈՒՆԸ

ՀՀ ԳԱԱ ԱՐԵՎԵԼԱԳԻՏՈՒԹՅԱՆ ԻՆՍՏԻՏՈՒՏ

ՀՀ ԳԱԱ ՊԱՏՄՈՒԹՅԱՆ ԻՆՍՏԻՏՈՒՏ

«Պատմա-բանասիրական հանդեսի» խմբագրական խորհուրդը և խմբագրության աշխատակիցները խոր վիշտ են հայտնում «Հանդեսի» խմբագրական խորհրդի երկարամյա անդամ, ՀՀ ԳԱԱ ակադեմիկոս Գագիկ Սարգսյանի մահվան կապակցությամբ և ցավակցում են նրա ընտանիքին ու հարազատներին: